


18



FERIA SEXTA MAGNA

Vel quaelibet quasi magna

Majori & majori cultu & affectu

Magno quia Crucifixo, Mortuo & Sepulto Amori

D. JESU CHRISTI

DEVOTISSIMA.

INVITATORIUM.

Cura te in eo affectu diem hanc sextam incipere in luctu in quo D. J. Christus illa extrema die eductus de carcere in mortiferos ultimæ illius diei Cruciatu se resolvebat, ac illam ultimam mortis Tuæ diem amaram & horrendam cum omnibus timoribus recommenda.

Invitatorium matutinum.

Regem Dolorum Dominum (percorre illos mente flagellatum Coron:)

Venite adoremus.

VENITE & ploremus Domino, & gemamus præ dolore DEO Salutari nostro, præoccupemus Faciem ejus in Confessione & in lachrimis parentemus illi.

Regem dolorum D. Venite &c.

Quoniam vere est iste Filius DEI, qui Animam suam posuit pro hominibus. Quoniam non repellet Dominus plebem suam, quam tam pretioso sanguine redemit,

demit. Et infirmitatem nostram ipse
conspicit. *Venite adoremus.*

Quoniam ipsius est mare sanguinis &
ipse fudit illud, & aridam sanguine ri-
gaverunt manus & pedes ejus. Venite
adoremus & procidamus ante tronum
mortis ejus, quia ipse est Redemptor No-
ster, nos autem oves occisionis, labor &
pretium sanguinis ejus.

Regem dolorum D. Venite adoremus.

Hodie si vocem ejus audieritis nolite
obdurare corda vestra. Quoniam petra-
scissæ sunt in occubitu ejus ideo percu-
tientes pectora vestra plorate pro peccatis.

Venite adoremus.

Triginta tribus annis proximus tibi
fui & semper quæsiui te Pastor bonus.
Tu vero non cognovisti vias meas, sal-
tem nunc introito in requiem meam,
quando ego pro te in tumultu requelevi.

Regem dolorum D. Venite &c:

Gloria Patri &c: *Venite adoremus.*

PLANCTUS I.

Mortem Christi corde tristi
Adoremus miseri,
Mortis prædæ ignis Thædæ
Quem succendunt inferi.
Ut nos per suam mortem
Tollat ad bonam sortem.

Mors

In

Mors crudelis fons Angelis
Lachrimarum fuisti,
Nobis tamen es solamen
Quia mortem vicisti,
Tollendo Adæ peccatum,
Nobis vivere datum.
Pater noster & Ave Maria.

PLANCTUS II.

TRina hora omni Mora
Quantum Te cruciavit,
JESU bone in agone
Dolore ampliavit.
Heu per quanta tormenta
Permeantur momenta
Trahebantur torquebantur
Venz cum visceribus.
Rumpebantur secabantur,
ostia vulneribus.
Ossaq; diffidebant,
Quæ vix clavi tenebant.
Pater noster Ave Maria.

PLANCTUS III.

Quantus ludus Rex tam nudus
obtus latronibus,
Urunt Venti dolor Menti
Langvor cordis viribus.
In tanto gravamine est sine levamine.

Langvent vires o si scires
Mortis sunt præludia,
Corpus aret fonte caret
Madscent vestigia.
En quasi de flumine
Crux manavit sanguine.
Pater noster: Ave Maria &c:

PLANCTUS IV.

Summus dolor nullus color
Vultui articulis,
In contusis- & confusis
Lumen langvet oculis.
Vivæ mortis scenæ pulchræ pallent genæ.
Caput cadit Patri tradit
Jam extremum Spiritum,
Vis emota carne tota
Vix trahit anhelitum,
Moritur Rex meus, Sponsus Pater meus;
Pater noster: Ave Maria &c:

PLANCTUS V.

Cor in telo donat Cælo
Cruciatam Animam,
Homo pro te habes dote
Consecratam victimam.
Lux mihi sis in via, O Christi agonia.
JESU Ple in **MARIÆ**
Synu jam deposite,

In

In momento in tormento
In periculo vitæ
Sis mihi tam patiens quàm fuisti moriens
Pater noster Ave Maria &c:

O B L A T I O.

TUæ Morti imbres orti
Applaudunt in oculis,
JESU meæ mortis rex
Succurre periculis.
Per tuam agoniam clamo peto veniã
Pastor bone in agone
Tuum affa Spiritum,
Rectifica vivifica
Tuo meum perditum,
Sis mihi in termino
JESUS Te ingemino.

Prodigium Amoris.

O Immenſe DEUS Judex meus: Re-
ſpice & recipe à me Immenſæ Cha-
ritatis prodigia quæ Tibi ex corde me
repreſento & offero. DEUS Homo fi-
lius Incarnatus, Crucifixus; mortuus
ſepultus. Peccator ego ad Te converſi-
cado in ſacrificio ſacrificiorum Domini
JESU Chriſti Hostia ad placandum. Per
Ipſum, in Ipſo & cum Ipſo miſerere me

BENEDICTIONES QUINQUE,

In & pro omni Anima
ANIMÆ D. JESU CHRISTI,

*Continuo pro nobis amore humilitate patientia
penitentia &c: pro nobis consecrata ac sese
consecrantis.*

BENEDICTIO I.

Deus in adjut: &c: Gloria P. &c:

Benedic anima mea
JESU Christi Animæ,
Totius mundi trophæa
Dato invictissimæ,
Tristi tam in stabulo,
Quàm post in patibulo:
Vix creata jam est nata
Imago Deitatis.
Vix concepta jam adepta
Gloriam Deitatis.
Arsit coram Numine,
Misero pro Homine.
*Bonus sum Pastor! Animam meam do
pro ovibus meis.*

O R A T I O.

Creator animæ meæ DEUS pro omni
insufficientia, negligentia, malicia
animæ

animæ meæ Tibi ingratiſſimæ. Offero
Tibi grande, continuum & perpetuum
in Corde & Corpore Sactificium Animæ
D. JESU Chriſti, cum omni intentione
& extensione cultuum & affectuum cum
omni ſanctitate & ardore virtutum amo-
ris, laudis, gratitudinis, obedientiæ, pa-
nitentiæ, humilitatis & quas Tibi à pri-
mo instanti conceptionis uſq; ad illud
ultimum ſuſpirium exhibuit quando Ti-
bi Spiritum ſuum in æternum amoris
& deprecationis pignus in manus reddi-
dit & confecravit. Per hanc innocentis-
ſimam victimam Filij tui deprecor Te
pro ſalute animæ meæ peccatricis. O
Bone Paſtor JESU mi! pone illam nunc
pone in hora mortis meæ pro anima mea.
Cui nunc me cum anima mea æterna-
liter recomendo.

BENEDICTIO II.

Benedic anima mea
JESU Chriſti Animæ,
Nam, quorum es DEO rea
Extolvit largiſſime,
Ipſo JESU Nomine
Suscepto cum ſanguine.
Senſit vulnus circumciſum
Elevit ad prophetias.

Non

Non novit in mundo risum

Exul ad miserias.

Semper culpas doluit

Semper mori voluit.

Pastor sum bonus &c: Oratio ut supra.

Vel brevius. Pater de Celis DEUS per
omnia Sacrificia Animæ JESU Christi mise-
rere animæ meæ peccatricis.

JESU per tuam Animam

Salva meam miserrimam.

BENEDICTIO III.

A Nima benedic mea
JESU Christi Animæ,

Virtutes posce ab ea

Tibi perditissimæ.

Admirare humilem.

DEO tam flexibilem.

Divam mentem obsequentem.

Patri Matri subditam,

Ama cole tam ferventem

Quærere Te perditam.

Et cum Corpore vitam

Crucibus expositam.

Pastor sum bonus &c: & Oratio.

BENEDICTIO IV.

A Nima benedic mea
Animæ JESU Christi,

In procella sanguinea

Natat in luctu tristi.

Præ metu & mærore
Vix manet in Corpore.
Sentit alapas & sputa
Gemit spinas flagella,
Omni cultu destituta
Ceu in maris procella.
Inter tot diluvia
Patitur naufragia.
Pastor sum. Sc: Oratio.

BENEDICTIO V.

Benedic anima mea
JESU Christi, Animæ
Illi Regna Empirea
Vove ferventissime.
Jam mortis, in tempore
Solvitur à Corpore.
Jam cruento pressa fato
Rumpit vincla intima.
Cadit pro nostro peccato
Hostia Sanctissima,
Pergit in Paradisum
Trahens Dilectam gavissimam.
Jam mens meæ huic menti
Sociari postula,
Redde illi te poscenti
Cor tuum pro facula.
Illum scutum ponito,
Cordi tuo perditio.
Pastor sum. Sc: Oratio Supra.

SALUTATIO

SSmæ Animæ D. JESU Christi.

Saluto, adoro, benedico Te milites & infinities semel pro semper o Abissus deliciarum Deitatis totius Sanctissimæ Animæ JESU Christi. In omni cultu & affectu, quo Te tota Sanctissima Trinitas in vi tute Spiritus S. benedicit & glorificat continuo sicq; perpetuo glorificabit. Infundo hoc ipso actu & cultu in Te omne delectamentum tuæ totius Divinitatis quo Te hæc immediate perse & mediate per omnes creaturas beatificans tibi omnes virtutes & merita recompensat. Tibi me in abissum misericordię cum tota miseria animæ meæ æternaliter insinuo & recomendo.

Adverto benevole Lector.

Simili affectu cum S. Augustino pates salutare Caput, Cor, Manus, Pedes, & quævis Vulnera Christi.

Saluto Te vel Vos in Amore SS. Trinitatis in cultu & affectu omnium creaturarum Divino Spiritu erga vos æstuantium: Infundo in vos omnes compassionem, passionem, patientiam vobis cum aut penitentium, idq; per Cor B. V. MARIÆ. Infundo omne delectamentum cordis quo præposito sustinuit Crucem,

em, quod habes & habebis in omnibus
salvandis & salvatis, præcipue N.N. *vg:*
Magd: Tereſ: Gertrudis &c. Infundo in
vos omne delectamentum Divinitatis &c:

C O R O N A

Septem Roſarum Cordis
Sanguini D. JESU Chriſti.

DEUS in adjut: &c: Gloria P. &c:

R O S A I.

Adoremus fontem Divum,
In Sanguine DEUM Vivum.
Primum Sacrificium.

Quando Infans Circumciſus,
In Sanguine nobis viſus,
Amoris diluvium.

Quos pretioſo Sanguine redemiſti, æterna ſac-
rum Sanctis tuis in gloria numerari.

O R A T I O.

Pater de Cælis. DEUS offero Tibi Sa-
crificium Sanguinis D. JESU Chriſti
effuſi in circumciſione. In Sacrificium
audis propitiationis & meriti in æternum.

Si placet: Pater noſter &c:

R O S A II.

DEUS in adjut: &c: Gloria &c:

Adoremus in Sudore,
In timore & mærore,
Effuſum martirium.

Corpus vix jam non ex sangve,
Medelam Adæ pro angve
Factuum remedium
Versus ut supra & Oratio immutande san-
guinis effusi in sudore.

R O S A III.

A Doremus ad columnam
Cruentam Christi ærumnam
Agnum lotum sanguine.
Vulnerum dolorum satur,
In cruore volutatur,
Flendus omni flumine.
Versus, Oratio. Effusi ad Columnam.

R O S A IV.

A Doremus in Corona,
Sanguinis tot nobis dona,
Debitorum pretium.
Manat à fronte ad pedes,
Desse miser, tantas cædes
Dans Regi humagium.
Versus. &c. Effusi ad Coronam.

R O S A V.

A Doremus in benigno,
Sanguinem extortum ligno,
De contractis brachiis.
En grande pondus cruorem,
Sanguineumq; sudorem,
Extorquens fundit vlls.
R O.

R O S A VI.

A Doremus super Crucem,
Extensum in clavis Ducem
Tot fontes effundere,
Plango Corpus in dolore,
Manus, pedes in cruore,
Pelagus in vulnere.

R O S A VII.

A Doremus mortis montem,
Ultimum Sanctum per fontem
Qui fluxit de Latere,
Jam hic velut mare ploro,
Mari mare mergi volo
Et ceu nix diffuere.

C O R O N I S.

M Agne DEUS Judex meus
Censum Tibi reddo reus
Sanguinis ærarium.
Pro peccatis flens amare,
Fundo lachrimarum mare
Et cordis incendium.

CORONA HONORIS

Crucifixi D. N. JESU Christi.

DEUS in adjut: &c: Gloria Patri &c:

Hymnus imus.

L Umen legis Honor Regis
JESUS Rex præ Regibus,
Pau-

Pauper natus reputatus
Comes animalibus,

In tanto fastigio, Exul domicilio.

Per tot mentes fugit entes per terras volutatus
Per Doctores fert honores brevi oblitteratur
Subditus Parentibus, Quis! Deus hominibus

Oratio.

O Dulcissime JESU Christe Fili Dei, omni
debito ac possibili cultu, actu & affectu
adoro, benedico, amo, glorifico Te pro omni
illo usq; ad exinanitionē honoris tui, dispen-
dio & per omnem patientiam & humilita-
tem tuam simplex exoro fac me ab extrema
vitæ & mortis ignominia liberatum cum San-
ctis tuis in gloria numerari.

Hymnus 2.

Fert honorem per amorem Patris in baptismo
Post probatur & taxatur plusquam in nu-
mismate,

Inter tot blasphemias patitur miseras.
Per odium in pretium à Juda expositus,
Venundatus captivatus sputis pugnis subditus
Cum qua ignominia Patitur Ludibria.

Oratio ut supra.

Hymnus 3tius.

Quo honore quo decore alapas sustinuit,
Quali cultu divo vultu apud Caiphā gemuit
Rex incarceratus DEUS blasphematus.

Fert

Fert catenā non amenā triste mortis præmium
Accusatur proclamatur hominū opprobrium.
Alba veste tegitur, turpiter despicitur.

Oratio supra.

Hymnus 4tus.

Ad columnā quam ærumnā honor ejus patitur.
Tanquā latro flagro atro Rex Sanctorū creditur
Nulla verecundia nulla reverentia.

Purpurata coronata Majestas in vepribus.
Sceptra gerit quæ pes terit instagni lictoribus.
Ave, salve Rex Regum, Ave o Doctor legum.

Oratio supra.

Hymnus 5tus.

Ecce Homo ulio homo de tali non legitur.
Ecce Abba præ Barabba ad mortem decernitur
Ecce Dei Filius, plusquam quis nefarius.
In clamore in stridore in mille verberibus.
Crucem gerit saxa terit, sudat in gemitibus.
Ic nec bos opprimitur, ut hic Agnus teritur.

Oratio supra.

Hymnus 6tus.

Vide ludū corpus nudū in Crucem extenditur.
Madet rore in dolore dum pes manus cuditur.
Jam absterge oculum videre spectaculum.
Ecce Regem ante gregem tractatur blasphemis
Fiscus troni & latroni crescit ignominis.
In quā nuda Majestas o quam fracta potestas

Oratio supra.

Hy-

Hymnus 7mus.

Postpositus desinitus omni cultu Numinis
Quis applaudit & quis audit

Bonum Nomen Hominis.


Sol tarde perorat quod lumen deplorat.
Rex Judææ Galileæ in spineto moreris.
Mei præsto memor esto cum in Regno sederis.
Propter summum honorem

Non dimitte amorem.

Oratio supra.

Conclusio.

Flecto pronum ante Tronum
Crucis tuæ poplitem,
Gemo, amo, oro, clamo
Fac me troni comitem,
Nunc Crucis post caelestis,
Fiam gloriæ testis.
Me de luto parem bruto
Eleva ad gratiam,
Qui despectum per affectum
Te canit ad gloriam.
O JESU DEI Fili,
Clemens sis servo villi.



9560
P.P.

T. 1. 18



956002

Bibliotheca

1500, —

P.P. Camaldulensium in Bielany

Depozyt w Bibliotece Jagiellońskiej



00730

T